



劔南詩彙目錄

卷第三十

五月十一日夜坐達旦

題陽關圖

暑書事 時雨 示客 南堂默坐 夏

日 小酌 夏夜 看鏡 明妃曲

思遠遊 太息 六月二十六日夜夢

赴李長招飲 夜分不寐起坐園中至旦

露坐 晨起 散步東邨 早秋

劔南詩彙

卷三十目

汲古閣

七月二十一日午睡夢泛江風濤甚壯覺

而有賦 幽居戲贈鄰曲 遣興 步

至湖上寓小舟還舍 送王仲言倅秦

州絕句 醉中作 秋夜書感 八月

三日驟涼有感 南堂與兒輩夜坐 泛

舟至魯墟 園蔬薦村酒戲作 雨夕排

悶 雨中作 讀易 郊行夜歸有感

醉歌 買酒 秋雨歎 憂國 夜意



大風雨中作

題壘壁

首二

窮途

貧

病

秋晚

首四

山村書所見

首二

三年前

嘗與兒輩步過東涇小嶺得勝處可營別

墅貧不能成偶復至其地悵然有感 園

中秋夕 秋晴每至園中輒抵暮戲示兒

子 醉睡初覺偶作 汪茂南提舉挽詞

首二 謝徐居厚汪叔潛攜酒見訪 喜鄭

唐老相過 秋晚散步門外 寄徐秀才

劔南詩彙

卷三十目

汲古閣

斯遠并呈莊賢良器之 閒中 秋霽

晨起 箜篌謠二首寄季長少卿 悶極

有作 自詠 夢范參政 乞奉祠未報

食且不繼 山寺 大師魏國史公挽歌

詞 首五 三峽歌 首九 十月三日泛舟湖中

作 早行 晚泊 遣懷 舟行戲書

劔南詩彙目錄

卷三十一終

劔南詩彙卷第三十

五月十一日夜坐達旦

莫笑耽書不計年  
寒儒業定幾生前  
讀經今日韋編絕  
作賦當時鐵硯穿  
公路晚悲身至此  
令威歸歎塚纍然  
三更聽雨蓬窗底  
又作鰥魚夜不眠

題陽關圖

誰畫陽關贈別詩  
斷腸如在渭橋時  
荒城孤驛

劔南詩彙

卷之三十一

汲古閣

夢千里遠水斜陽天  
四坐青史功名常蹭蹬  
白頭襟抱足乖離  
山河未復胡塵暗  
一寸孤愁只自知

新暑書事

城中五月汗霑衣  
吾愛吾廬喜氣微  
珍簞含風來遠餉  
輕羅疊雪出鳴機  
艾人當戶佳時過  
筒黍堆盤舊俗非  
漫欲題詩還嬾去  
老來百事與

心違

去歲葉正則餉  
蘄篔簹得以禦暑  
今年雖事僅得五六分遂辦暑服



時雨

時雨及芒種四野皆插秧家家麥飯美處處菱歌長老我成惰農永日付竹床衰髮短不櫛愛此一雨涼庭木集奇聲架藤發幽香鬻衣溼不去勸我持一觴卽今幸無事際海皆農桑野老固不窮擊壤歌虞唐

示客

桑柘成陰百草香  
縑車聲裏午風涼  
客來莫說

劔南詩彙

卷之三十一

汲古閣

人間事且共山林夏日長

南堂默坐

日日樹頭鴨鵝鳴  
夜谿邊姑惡聲  
堂中老子獨無語  
寂然似可終  
吾生大鵬一舉九萬程  
下視海內徒營營  
秋蟲春鳥非我類  
何至伴渠鳴不平

夏日

燕子生雛梅子黃  
斷雲殘雨過林塘  
孤舟正作

笭筍夢九陌難隨襍穢忙團扇興來閑弄筆寒  
泉漱罷獨焚香太平處處熏風好不獨宮中夢  
日長

小酌

白髮蕭然海上村猶能草草置清樽今年項里  
楊梅熟綠李來禽不足言

夏夜

露溼芙蓉冷月明簷蔔香殘醉吹欲無颺颺髮  
劔南詩藁

卷之三十一

汲古閣

根涼豈惟棄世事形影亦相忘空憶南山下新  
秋射虎場

又

我筇在南鄭夜過東谿谷平川月如霜萬馬皆  
露宿息從六月師關輔談笑復那知二十年秋  
風枯首藋

看鏡

凋盡朱顏白盡頭神仙富貴兩悠悠胡塵遮斷



陽關路空聽琵琶奏石州

又

七十衰翁臥故山鏡中無復舊朱顏一聯輕甲

流塵積不爲君王戍玉關

馬正惠公喜功名每曰幸未甚衰若有邊

警願預征行得良馬  
數足輕甲一聯足矣

明妃曲

漢家和親成故事萬里風塵妾何辜掖庭終有

一人行敢道君王棄蕉萃雙駝駕車夷樂悲公

劔南詩彙

卷之三十一  
四

汲古閣

卿誰悟和戎非蒲桃宮中顏色慘雞鹿塞外行  
人稀沙磧茫茫天四圍一片雲生雪卽飛太古  
以來無寸草借問春從何處歸

思遠遊

我志日已衰詩亦無傑句正如隨翅鶴悵望遠

海路雖云須藥物幸未迫霜露裂裳裹兩踵此

詩亦已屢嗟峨青城雲慘淡蟠冢樹秋風吹短

裘萬里入芒屨

太息

太息重太息吾生誰與歸那知算景迫但覺故人稀  
避甌歸猶困憂讒默亦非今年貧徹底擬賣舊漁磯

六月二十六日夜夢赴李長招飲

少城駿馬逐春風二十年間萬事空清夢都忘  
雙鬢改繡筵還喜一尊同烏巾掩冉簪花重羯  
鼓敲鏗列炬紅安得此歡真入眼碧油幢擁王  
劔南詩橐

卷之三十五

汲古閣

人翁

夜分不寐起坐園中至旦

涼氣蘇衰疾幽情入杖藜月驚孤鶴起天帶衆  
星西松菊今彭澤山川古會稽清吟殊未愜喔  
喔已晨雞

露坐

此手乃可憐經月不把酒著書又苦晚何以圖  
不朽空庭坐三夏磊落垂北斗向來歷關河萬



里空回首豈知三十年竟作越中叟後生雖滿  
眼非復舊交友形體迫衰謝妻子亦何有悵望  
懷古人吞聲死農畝

晨起

心安已到無心處病去渾如未病前晨起更知  
秋色好一庭風露聽鳴蟬

散步東邨

偶從北嶮繚東崗曳杖行歌踏夕陽一徑入雲

劔南詩藁

卷之三十六

汲古閣

多鹿跡數家臨水共漁梁  
楚風蕭瑟知穉早社  
酒淋漓喜歲穰鄰曲不須憐  
老憊尙能尋句畲  
年光

早秋

涼颼浙浙撼庭柯微雨蕭蕭集浦荷  
艸閣檐虛  
覺山近蓬窗地迳得香多  
謀身自拙窮無鬼閉  
戶長閑睡有魔  
臺省諸公盛冠劔固應老子得

婆娑

又

秋入房櫳夜漸長  
紗厨笛簾怯新涼  
螢光得意穿簾隙  
桐葉知時拂井牀  
世事本來誰得鹿  
人生何處不亡羊  
燈前笑向吾兒說  
又過銅匱半

篆香

又

落魄巴江號放翁  
斯名歲晚亦成空  
酒醒遙夜孤舟雨  
睡美清秋一榻風  
駭浪千重無處地  
神

劍南詩藁

卷之三十一  
七

汲古閣

丹九轉有新功  
雲端不遇飛仙邈  
誰顧幽人寂

莫中

又

貂裘塵土憶東周  
瓜隴風霜隱故侯  
嬾似老雞頻失旦  
衰如蠹葉早知秋  
壺觴非復平生友  
歲月空添客子愁  
病起筆端猶健在  
未妨揮灑賦

登樓

七月二十一日午睡夢泛江風濤甚壯覺



而有賦

夢中不記適何邦風飽蒲颿入大江久矣眼中  
無此快蹴天雪浪濺船窗

夫愚幽居戲贈鄰曲

算年遠屏天所俗落佩倒冠如得謝雖無壺酒  
助歌呼幸有蠹書供枕藉市聲不聞耳差靜車  
轍埽空身轉暇雨慳葵葉未吐甲露重櫛房初  
坼罅淡紅菱角密覆水爛紫蒲桃重垂架直令  
劔南詩橐

卷之三十一

汲古閣

掩關避世俗未害煎茶喚鄰舍蕭蕭雞犬衡門  
晚寂寂燈火幽窗夜勸君切勿縱高談性命如  
絲不禁嚇

遣興

失馬真成福移山未必愚故園三徑廢餘俸一  
錢無望道心常渴觀書眼欲枯宦遊歸自好不  
必爲尊鱸

又

療飢惟恃粥動步已須人欲干猶支枕經旬不  
過鄰鵲棲寒自穩鷗沒遠難馴莫笑謀身拙黃  
冠學季真

步至湖上寓小舟還舍

淒涼懷古地慘澹算秋天紅樹秦馳道青山禹  
廟孺湖風飄斷角墟日起孤煙老恨功名晚無  
人芙蓉鞭

又

劔南詩豪

卷之三十  
九

汲古閣

山居苦無事攜稚出門行酒賤逢人醉農閑到  
處耕巷牛聽晚笛池鷺啜枯萍東望生秋興樓  
臺壓繡城

又

病墮支離境閑尋漫浪遊湖平天鏡曉山峭石  
帆秋賒酒家家許看花處處畱歸途倦扶杖却  
上釣魚舟

又



萬壑爭流地身閑得縱觀未能容蟹舍聊得寄  
漁竿遠浦樵風急空山窅石寒踟躕不知晚磔  
磔有歸翰

又

細浪隨搖櫂新涼入岸巾斷行初到雁空擔算  
婦人漫道貧非病誰知嬾是真疎鐘起詩思迢  
迢度煙津

送王仲言倅泰州絕句

劔南詩藁

卷之三十一

汲古閣

汝陰太史萬籥藏酸棗先生六世芳豹尾屬車  
畱不住却尋陳迹海陵倉

晁景迂與先太史有海陵酬唱

又

紫薇傑作傳千載物色分畱待下車老病難陪  
曳裾客因來時寄一行書

劉貢甫嘗爲秦倅

醉中作

舩艖爲家雲作友流年盡付樽中酒清歡穿林  
鸞鳳吟草書落紙龍蛇走人間無復王景略千

載風雲常寂寞安得熊羆十萬師蹴踏幽并洗  
河洛

秋夜書感

關干斗插酉慘淡河絡角開歲財屬爾草木忽  
搖落平生歷畏塗赤手犯蛟鱗幸收垂盡日歸  
臥一丘豁鄉鄰怪此老骯髒尚如昨使無湖海  
寬朝市何處著諸公方袞袞一士要諤諤謀食  
古所羞終身美藜藿

劔南詩藁

卷之三十一

汲古閣

八月三日驟涼有感

殘暑侵人畏汗霑清秋乍見月纖纖自燒熟火  
添香獸旋把寒泉注硯蟾佳客誤占螢入戶遠  
書空喜鵲鳴簷悠然獨對清燈臥誰念柴門老  
病兼

俗以螢飛入室  
爲有客至之兆

南堂與兒輩夜坐

殘暑初歸肺病蘇胡床清夜集前除風高木葉  
危將脫月上天河淡欲無鵲影繞枝棲未穩荷



盤擎露重相扶淒然又起流年感兩鬢如蓬日  
夜枯

泛舟至魯墟

南蕩東陂弄夕霏葛巾鶴氅試秋衣纖纖新月  
迎舩出兩兩珍禽背水飛病息漸蘇開酒戒宦  
情已絕謝塵鞿郊居是處堪樂興不怕城笳苦  
喚歸

園蔬薦村酒戲作

劔南詩藁

卷之三十一  
十二

汲古閣

身入今年老囊從早歲空元無擊鮮事常作啜  
齏翁菹有秋菰白羹惟野蕘紅何入萬錢筋一  
笑對西風

雨夕排悶

買牛耕剡曲舉世笑迂疎流落愈憂國衰殘猶  
讀書滔滔安稅駕耿耿獨愁余破屋秋多雨情  
懷用底攄

又

煙雨暗郊墟頽然臥草廬蟲喧夢回枕燈伴讀  
殘書短褐頻關念荒畦久廢鋤更堪湖水漲累

日食無魚湖水泛則魚不可捕

雨中作

社瓮醅香燕子歸陰風吹雨暗郊扉疏溝園叟  
方攜鍾采藥蠻童已溼衣山雉尾垂衝靄去水  
雞翅重蹋波飛憑闌一笑君知否肺渴秋來勢  
漸微

劔南詩藁

卷之三十一  
十二

汲古閣

讀易

揖遜干戈兩不知巢居穴處各熙熙無端鑿破  
乾坤祕禍始羲皇一畫時

郊行夜歸有感

小市歌呼散幽人悄獨行斷鴻沙際冷重露草  
根明信古癡常絕酬恩命本輕還家掩屏臥衰  
涕浩縱橫

醉歌



三十六策醉特奇竹林諸公端可師秋風蕭蕭  
吹鬢絲蟹螯正可左手持醉倒村路兒扶歸瞠  
兒不識問是誰浩歌起舞夜何其北斗磊落明  
河移貴人惜醉渠自癡黃金絡馬誇市兒一朝  
禍來莫支持新州如山不可移

買酒

放翁病起不禁愁買酒看山自獻酬八月吳中  
未搖落誰令衰鬢早知秋

劔南詩藁

卷之三十一  
十四

汲古閣

秋雨歎

淙淙雨聲瀉高秋稻梁浸瀾雨不休志士仁人  
萬行淚孤臣孽子無窮憂一身窮困未暇恤如  
此無事理有不聖言古訓舉不驗簡編可用汗  
馬牛嗚呼有粟吾得食夜睡何時得安席我生  
猶及宣和年建炎以來身所歷高皇一言感天  
地盜賊千羣掃無迹疽囊雖慘固可醫誰爲聖

代施鍼石

憂國

恩許還山已六年，誓憑耕稼餞華顛。養心雖若  
水將釋，憂國猶虞火未然。議論孰能忘忌諱，人  
材正要越拘攣。羣公亦采芻蕘否，貞觀開元在  
目前。

夜意

居家元是客在俗，亦如僧點滴檐間。雨青熒帳  
外燈壯，心終蹭蹬去日捷，飛騰不及寒沙雁來。

劔南詩藁

卷之三十一  
十五

汲古閣

時下杜陵

大風雨中作

甲寅八月二  
十三日夜

風如拔山怒，雨如決河傾。屋漏不可支，窗戶俱  
有聲。烏鳶墮地死，雞犬噤不鳴。老病無避處，起  
坐徒歎驚。三年稼如雲，一旦敗垂成。夫豈或使  
之憂，乃及躬耕鄰。曲無人色，婦子淚縱橫。且抽  
架上書，洪範推五行。

題空壁



閉門無事不勝閑心境超然一室寬  
香岫火深生細靄硯池風過起微瀾  
睡餘但欲依書几坐久還思弄釣竿  
擾擾平生底事鏡湖歸隱老黃冠

又

手斲雲根結草廬平生心事滿無餘  
二升菘米晨炊飯一椀松燈夜讀書  
天理直須閑處看人謀常向巧中疎  
煙波有趣君知否裂網伸鈎也  
劔南詩藁

卷之三十  
十六

汲古閣

得魚

窮途

窮途多感慨老境少知聞  
酒裏閑消日書中自策勳  
全軀希碌碌執厭紛紛每愧吾鄉老  
頭童念致君

先友傳公給事算年髮髯每酒酣脫憤覺鏡數日吾其已乎

貧病

行年七十尚攜鉏貧悴還如白紵初  
好事鄰僧勤送米過門谿友強畱魚  
客來旋過牆頭酒睡

起閑抽架上書要信榮枯元不動  
胃中浩浩著空虛

秋晚

春粳入甑香炊玉壓酒鳴槽滴  
碎珠甲第朱門漫豪侈山家風味定應無

又

新築場如鏡面平家家歡喜賀秋成  
老來嬾惰慚丁壯美睡中聞打稻聲

劔南詩彙

卷之三十七

汲古閣

又

秋菰出水白於玉寒薺繞牆甘若飴  
正是長莖豈不可凜然大節固難移

又

竹竿坡面老別駕飯顆山頭瘦拾遺  
自古詩人例如此放翁窮死未須悲

山村書所見

老枳垂藤晝常黑雛鷹聲作嬰兒啼  
伐薪歸來



遇急雨石路下山如踏梯

又

荒坡茫茫牧牛童  
扳角上背捷如風  
腰間一枝搯枯竹  
橫吹短笛過村東

三年前與兒輩步過東涇小嶺得勝處可  
營別墅貧不能成偶復至其地悵然有感  
前年度嶺踏斜陽曾卜松陰置草堂只倚氣吞  
雲夢澤竟無錢買雪堆莊煙脂菱角空頻摘火  
劍南詩藁

卷之三十一  
十八

汲古閣

齊楊梅已再嘗事不如人居十九往來常羨捕

魚郎

山多楊梅有合抱者  
下臨鏡湖皆菱蕩

園中秋夕

季秋哉生明風露正淒冷放翁澹無事樂此清  
夜永飢鷹棲不穩勁翅起東嶺湖邊千樹柳何  
處寄幽影人生寓宇內俯仰一炊頃此心無媿  
負簞食均五鼎許身輩稷禹終亦輸箕穎天風

倘可築采蓮登玉井

秋晴每至園中輒抵算戲示兒子

老翁七十如童兒置書不觀事遊嬉園中壘瓦  
強名塲庭下埋盆聊作池青蒲紅蓼共掩映病  
棕瘦竹相扶持衰頽已作老驥臥來往尚如黃  
犢馳但知身存百無害莫問老健能幾時汝勤  
挾策乃堪笑且共飯豆羹秋葵

醉睡初覺偶作

小圃醒還醉幽窗起復眠虛明炷香地清潤斲

劔南詩藁

卷之三十  
十九

汲古閣

花天老去才雖盡窮來志益堅阿瞞那可語平  
日笑橋玄

汪茂南提舉挽詞

學已三冬富書猶萬卷藏名塲雖踳蹬朝論極  
揄揚小試襦袴詠遂辭鷓鴣鷺行秋風九原路挽  
鐸倍淒涼

又

往者紹興末江淮聞戰聲上流煩舊德下客辱



深知陳迹成今古，追懷每涕洟。郎君雖不識撫

事亦增悲。

先相公督師荆襄，游首蒙招致幕府，會留樞屬，不克行。

謝徐居厚汪叔潛攜酒見訪

我雖生亂離，猶及見前輩。衣冠方南奔，文獻往  
往在。幸僕埽灑役，迹忝諸生內。話言猶在耳，造  
次敢不佩。殘年趨死近，孤學與時背。妄出更何  
求，終老事耕耒。史君稽古學，力大障橫潰。廣文  
亦偉士，名字震當代。同舟肯過我，凜與前脩配。  
劔南詩藁

卷之三十一  
二十

汲古閣

憂時抱忠鯁，論事極慷慨。嗟予雖益衰，耳目幸  
未廢。何當卜鄰牆，早算聆警欬。

喜鄭唐老相遇

鄭子有書癖，對書百事忘。頭亂不暇櫛，齒冷不  
暇嘗。持此金石心，力求古文章。吟哦屋梁作，蚤  
夜聲琅琅。方揮却日戈，恥窺及肩牆。不見今六  
年，所得非復常。扁舟夜過我，劇論神激揚。徐出  
二三篇，穉米於太倉。已足起衰懦，黑絲生鬢霜。

使得盡見之殆可鍼膏肓願子繼自今勿憺傾  
錦囊因來數爲寄歲晚慰所望

秋晚散步門外

栗里歸栽菊青門隱賣瓜羸軀病天色衰鬢怯  
年華野曠鳥聲樂溪清雁影斜門前秋潦退也

擬築堤沙

潦水壞道數丈方與鄰曲共修之

寄徐秀才斯遠并呈莊賢良器之

徐子作別十年餘無人可寄一紙書閑門美睡

劔南詩藁

卷之三十一  
二十一

汲古閣

畏剝啄自怪一念常關渠西風蕭蕭吹槁葉秋  
光正滿蝸牛廬讀書易倦出無友撫几愴恍空  
愁予蜀莊之孫住南郭亦復迹遠非情疎何時  
同載過老子苾飯赤米羹青蔬

閑中

閑中高趣傲羲皇身臥維摩示病床活眼碗凹  
空墨色長毫甌小聚茶香門無客至惟風月案  
有書存但老莊問我東歸今幾日坐看庭樹六



番黃

秋霽

驅除雲霧極知難，敢意天公不作慳。  
汛掃中庭待明月，攀躋危榭望青山。  
取琴理曲茶煙畔，看鶴梳翎竹影間。  
不爲新晴宜著句，擬將幽事破除閑。

晨起

晨起梳頭拂面絲，行年七十豈前期。  
此生猶著

劔南詩橐

卷之三十一  
二十二

汲古閣

幾兩屐長日，惟消一局碁。  
空釜生魚，忍貧慣閑門。  
羅雀與秋空，區區名義真當勉。  
正是先師戒得時。

筌篋謠二首寄季長少卿

庭樹非不榮，霜霽萬葉枯。  
朋友豈我棄，漸遠勢自疎。  
中夜起太息，發篋覓舊書。  
塵昏蠹蝕損，行缺字欲無。  
一讀色已變，再讀涕淚濡。  
卷書置篋

中寧使飽蠹魚

又

少壯離別時回顧日月長會合終有期何恨天  
一方我齒如敗屐君髮如新霜餘日復幾何萬  
里遙相望欲泣老無淚欲夢不可常寄書何時  
到江漢春茫茫

常語悶極有作

貴已不如賤狂應又勝癡新寒壓酒夜微雨種  
花時堂下藤成架門邊枳作籬老人無日課有

劔南詩臺

卷之三十一  
二十三

汲古閣

興卽題詩

貴日自詠

常記當年入洛初華燈百萬擲樗蒲平生意薄  
刀筆吏投老身爲山澤臞已罷向空書咄咄尚  
能擊缶和嗚嗚今朝客至無尋處正伴園丁斲  
芋區

夢范參政

夢中不知何歲月長亭慘淡天飛雪酒肉如山



鼓吹喧車馬結束有行色我起持公不得語但  
道不料今遽別平生故人端有幾長號頓足淚  
迸血生存相別尙如此何況一旦泉壤隔欲懷  
雞黍病爲重千里關河阻臨穴速死從公尙何  
憾眼中寧復見此傑青燈耿耿山雨寒援筆詩  
成心欲裂

乞奉祠未報食且不繼

富貴常求繫日繩阨窮却羨棄家僧強顏始覺

劔南詩藁

卷之二十一  
二十四

汲古閣

貧爲害對鏡方嗟老可憎出戶風霜欺短褐讀  
書父子共昏燈聖師夢奠二千載一卷遺言終  
可憑

山寺

信步得佳寺入門吹斷香林深粟鼠健屋老瓦  
松長吊古增悽愴憑高寄慨慷忽忽興未盡新  
月映方塘

太師魏國史公挽歌詞

早擅淵源學常懷懇款忠雲龍際千載典冊冠  
三公論諫寧中止謀謨不苟同此心誰復識志  
士泣秋風

又

位歷公卿貴身兼將相榮珥貂儀一品錫帶價  
連城入告推忠厚躬行本志誠斯民何以報萬  
里徧春畊

又

劔南詩藁

卷之二十一  
二十五

汲古閣

道德補天石勛勞夾日龍犯顏無不盡造膝畧  
皆從歲貢來戎幣秋防滅塞烽画圖麟閣上猶  
足折遐衝

又

舊弼初收召惟公力贊揚都亭移僕帳全魏徹  
封疆大度寧猜阻羣言自中傷拳拳虛左意猶  
可質穹蒼

公初拔附卽力薦張忠獻公于壽王  
始賜館都亭驛超封魏國公皆公密

奏且嘗乞用張公

爲首相而已佐之



又

壠干勞久戍大將未班師抗議回天意忘身為

聖時人心嶮莫測時事遠難知汗簡方傳信孤

生欲語誰

吳璘戍德順軍師老欲還不敢自請公為相答其情即力請班師西鄙賴

以無事後議者乃指公為棄地公不辨也

三峽歌

乾道庚寅予始入蜀上下三峽屢矣後

二十五年歸畊山陰偶讀梁簡文巴東

劔南詩藁

卷之三十六

汲古閣

三峽歌感之擬作九首實紹熙甲寅十

月二日也

神女廟前秋月明黃牛峽裏暮猿聲危途性命

不容恤百丈牽船侵夜行

又

不怕灘如竹節稠新灘已過可無憂古粧栽栽

一尺髻木盞銀盃邀客舟

又

十二巫山見九峯  
船頭彩翠滿秋空  
朝雲暮雨  
渾虛語一夜猿啼  
明月中

又

錦繡樓前看賣花  
麝香山下摘新茶  
長安卿相  
多憂畏老向夔州  
不用嗟

又

險詐沾沾不媿天  
交情回首薄如煙  
東遊萬里  
雖堪樂艷瀕瞿唐  
要放船

劔南詩豪

卷之三十一  
二十七

汲古閣

又

蠻江水碧瘴花紅  
白舫黃旗無便風  
洛萬四時  
常避水棚居高出  
亂雲中

又

亂挿山花簪子紅  
蠻歌相和灑西東  
忽然四散  
不知處踏月捫蘿  
歸峒中

又

萬州溪西花柳多  
四鄰相應竹枝歌  
問君今夕



不痛飲奈此滿川明月何

又

我遊南賓春暮時蜀船曾繫挂猿枝雲迷江岸  
屈原墮花落空山夏禹祠

十月三日泛舟湖中作

桑落可釀酒艸枯可呼鷹平生當此時意氣十  
倍增卽今境界別千錢買短篷鏡湖三百里往  
來寒日中小甌炊彫胡玉食無此美臥聞水鳥  
劔南詩藁

卷之三十  
二十八

汲古閣

聲世念去如洗知此恨太晚享此恐不足南山  
忽已昏更就漁村宿

早行

寒漏參差斷晨雞次第鳴匆匆半枕夢草草一  
盃羹澤國多逢雨閑人不計程雲間出寸墪迎  
我有餘情

晚泊

樓上鳴鳴角橋邊點點燈聚沙新到雁趁渡獨

歸僧曰隱山光暗天低海氣蒸居人笑老子醉  
髮亂鬍鬚十一

遣懷

偶得長魚巨蟹命酒小飲益久無

算年世事轉悠悠攬涕淒然類楚囚不道渾無  
排遣處病觀周易悶梳頭

舟行戲書

世事無窮膏火煎羈魂病骨久羸然覺時不及  
夢差樂死去始嗟生可憐慷慨知非請纓日推

初甫詩藁

卷之二十九

汲古閣

移忽及挂冠年揚帆海浦差強意臥看秋濤蹴  
遠天

我有戲辭

吳廣謙書

融曾曰劇由缺韻天外戲兼燕錄入笑林七編



劔南詩彙目錄

卷第三十一

久雨 偶得長魚巨蟹命酒小飲蓋久無

此舉也 泛舟湖山間有感 望永思陵

二首 糟蟹 霜夜 三首 書室明煖終日婆

娑其間倦則扶杖至小園戲作長句 二首

初冬 買屐 十月晦日作 贈道友 五首

示子聿 老境 予所居三山在鏡湖

劔南詩彙

卷卅一目

汲古閣

上近取舍東地一畝種花數十株彊名小

園因戲作長句 被命再領沖佑有感

冬夜戲書 三首 幽居 二首 送蘇召叟秀才

入蜀効宛陵先生體 寄題哲上人漫堂

冬夜獨酌 夜坐燈滅戲作 艾如張

八上之回 雜詠園中菓子 四首 閉戶 二首

冬夜連日大寒夜坐復苦飢戲作短歌 園

中對酒作 孝宗皇帝挽詞 三首 小兒入

城夜坐

二首

縱筆

五首

郊行夜歸書觸

目閉戶

十一月五日夜半偶作

晴

和出遊湖山間

病息

寄子虞

紙閣

午睡

二首

夜分復起讀書

効蜀人煎茶

戲作長句

書逆旅壁

嬾趣

閒中富

貴

二首

一書近况寄蜀中道舊

醉中自贈

杏明日自和

雪中至近村

歲暮感懷

以餘年諒無幾休日愴已迫爲韻

十首

桐

劔南詩彙

卷卅一目

汲古閣

江哲上人以端硯遺子聿纔寸餘而質甚

奇天將雨輒先流泚予爲效宛陵先生體

作詩一首

立春前三日作

贈應秀才

春耕

首春連陰

夜坐

新春

得

季長書追懷南鄭幕府慨然有作

正月

十一日夜夢與亡友譚德稱相遇於成都

小東門外旣覺慨然有作

送陳吏部還

朝觀碁

春行

雨霽春色粲然喜而



象南有賦  
幽思  
贈持鉢道人  
柳首  
山

園雜詠

五首

黃葉雨中盡  
飢鴻煙際來  
時艱歲仍惡  
身死病相催  
西埭無行路  
南山有疾雷  
囊空罷沽酒  
一  
伴  
粵  
悠  
哉

劔南詩豪

卷卅一目  
三

汲古閣

十一日夜夢與亡友譚德稱相遇於成都

園雜詠

信

既覺慨然有作  
送陳史部

育頰  
幽思  
春韻  
并檢  
巖人  
色  
懸  
音  
高山

劔南詩橐卷第三十一

久雨

黃葉雨中盡飢鴻煙際來時艱歲仍惡身死病  
相催西埭無行路南山有疾雷囊空罷沽酒一  
醉轉悠哉

偶得長魚巨蟹命酒小飲益久無此舉也  
老生日日困鹽齏異味鱖魚與楮鷄敢望槎頭  
分縮項況當霜後得團臍堪憐妄出綠香餌尚  
劔南詩橐

卷之卅一

汲古閣

想橫行向艸泥東崦夜來梅已動一樽芳醞徑  
須攜

泛舟湖山間有感

我似人間不繫舟好風好月亦閑遊歸來華表  
千年鶴滅沒煙波萬里鷗歲晚客貂那復歎時  
艱婺緯未忘憂野人只欲安耕釣江左夷吾可  
見不



綠衣迎拜屬車塵  
艸木曾霑雨露春  
三十五年  
身未死却爲天下最窮人

又

盱食憂民宴樂疎  
太倉幾有九年儲  
賈生未解  
人間事北闕猶陳痛哭書

紹興庚辰辛巳間游  
屢貢瞽言畧蒙施用

糟蟹

舊交髯簿久相忘  
公子相從獨味長  
醉死糟丘  
終不悔看來端的是無腸

劔南詩藁

卷之卅一  
二

汲古閣

霜夜

梅花欲動夢魂狂  
橙子閑搓指爪香  
莫怪艸堂  
清到骨一梳殘月伴新霜

又

黃甘磊落圍三寸  
赤蠶輪囷可一斤  
更喚東陽  
麴道士與君霜夜策奇勳

時東陽  
餉酒

又

澹月窺窗似有情  
更堪梅影向人橫  
放翁不受

天魔惱獨擁青氍睡到明

書室明煖終日婆娑其間倦則扶杖至小

園戲作長句

放翁老手竟超然俗子何由與作緣百榼舊曾

誇席地一窗今復幻壺天夢回橙在屏風曲雨

霽梅迎拄杖前吾夢吾廬得安臥笑人思穎憶

平泉

李衛公憶平泉山居殿陽公思穎詩皆數十篇

又

劔南詩藁

卷之卅一

汲古閣

美睡宜人勝按摩江南十月氣猶和重簾不捲

畱香久古硯微凹聚墨多月上忽看梅影出風

高時送鴈聲過一杯太淡君休笑牛背吾方扣

角歌

初冬

老客人間百事慵樂哉閉戶過今冬朝爐獸炭

騰紅焰夜榻蠻氊擁紫茸蜩刺坼蓬新栗熟鵝

雛弄色凍醅濃題詩正自消閑日本不爭先萬



戶封

買屐

一雨三日泥泥乾雨還作出門每有礙使我慘  
不樂百錢買木屐日日繞村行東阡與北陌不  
間陰與晴青鞋豈不佳要是欠耐久何當踏淡  
雪就飲湖橋酒

十月晦日作

藤疎不覆架桐落欲平溝閨歲風霜晚衰年日

劔南詩彙

卷之卅一  
四

汲古閣

月適觀書方坐石把釣又登舟不是無羈束閑  
人得自由

贈道友

凡骨已蛻身自輕勃落葉上行無聲攀陰市樓  
醉舞罷却上蓬峯看月朧

又

憶在長安爛漫遊大明宮闕與雲浮今朝偶上

慈恩塔北望芒芒禾黍秋

唐舍光殿與慈恩  
塔南北相直

又

當時辛苦學長生，準擬中原看太平。今日醉遊  
心已足，一瓢歸去隱青城。

又

二孟元元復騰騰，服氣燒丹總不能。偕問生涯  
在何許，孤舟風雨伴漁燈。

又

零落殘碑艸棘中，北窗蕭瑟又秋風。舊時憶在  
劔南詩藁

卷之卅一  
五

汲古閣

鷓行裏幾見宣麻拜相公

示子聿

儒林早歲竊虛名，白首何曾負短檠。堪歎一衰  
今至此，夢回聞汝讀書聲。

老境

平生百不遂，惟有老如期。眼澀觀書夜，心衰把  
酒時。僧分新掘藥，客誦舊題詩。四十年前我回

看定是誰



予所居三山在鏡湖上近取舍東地一畝  
種花數十株彊名小園因戲作長句

出郭西南十里過小園風月得婆娑翠屏三扇  
恰相倚玉鏡一奩誰爲磨投鐻未嫌衰鬢白插  
花聊喜醉顏酡耶溪夏盡青鞋興免使將軍怒  
脫靴

被命再領沖佑有感

殘骸日益衰晨夜抱疾痛地爐得微火終日不

劔南詩豪

卷之卅一  
六

汲古閣

意動讀書舊成癖今但坐作夢未能追鴻冥乃  
復分鶴俸風霜舍邊柳合抱皆手種眼中人盡  
非欲話誰與共

冬夜戲書

東歸剡曲寄徜徉閑日雖冬亦自長梅瘦有情  
橫淡月雲輕無力護清霜長魚通印鹽花白珍  
鮮披緜麴糝香一飽喟然還自憫彊顏垂老食

官倉

又

將挂衣冠彊小畱期年畢竟是歸休青氈獨擁  
欺霜夜濁酒頻傾洗客愁鶴影冷翻丹井月雁  
聲遙帶玉關秋一生自笑閑中過不爲功名也

白頭

又

老樹霜餘已盡紅縱橫落葉滿庭中一鈞澹澹  
西南月萬鼓憑憑東北風賒酒每慚添舊券讀

劔南詩藁

卷之卅一  
七

汲古閣

書何計策新功蓬窗坐睡摧頽甚隔竹敲茶賴  
小童

幽居

落葉紛可掃幽花寒自開困空無雀噪門靜有  
僧來孤學時方棄窮途勢莫回呼兒了租賦莫  
待縣符催

又

雨霽雞栖早風高雁陣斜園丁刈霜稻村女賣



秋茶缺井磨樵斧枯桑繫釣槎客來那用問此  
是放翁家

送蘇召叟秀才入蜀効宛陵先生體

士勇赴知己義重身固輕尊公況有命子得辭  
此行結廬出門去迢迢過蠻荆泝江卜風色入  
峽聽猿聲萬里一紙書南寄孤雁征山陰在何  
處計子難爲情願言早來歸鄰曲當出迎檣舟  
柯橋市一榼手自傾

劔南詩藁

卷之卅一  
八

汲古閣

寄題哲上人漫堂

老子從來任運行夢君堂以漫爲名北印大有  
英雄骨枉用工夫過一生

冬夜獨酌

寒水茫茫浸月明疎鐘杳杳帶霜清一樽濁酒  
有妙理十里荒雞非惡聲物外雖增新跌宕曾  
中未洗舊崢嶸頽然坐睡蒲團穩殘火昏燈伴

夜坐燈滅戲作

冷飯黃齋傲太平鬢絲原不爲愁生忽因燈死  
得奇觀明月滿窗梅影橫

艾如張

錦膺繡羽名山雞清泉可飲林可栖稻梁滿野  
棄不啄雖有奇禍無階梯東村西村煙雨晚蕭  
艾離離林薄淺翩然一下駭機發汝雖知悔安  
能免漢家天子南山下萬騎合圍窟日夜犬牙

劔南詩藁

卷之卅一  
九

汲古閣

鷹爪死不辭觸機折頸吁可悲

上之回

咸陽宮闕天下壯五夏衛士傳雞唱重門洞開  
蠻駕出回中夏在雲霄上雲霄一路蟠青冥車  
聲隱轡馳雷霆宓妃穿仗王母下何必軒皇居  
大庭君王遊幸無終極萬年盡是歡娛日文成  
已死方不讎茂陵松柏秋蕭瑟

雜詠園中菓子



不酸金橘種初成無核枇杷接亦生珍產已從  
幽圃得濁醪仍就小槽傾

又

漿石榴隨餠作節蠟櫻桃與酪同時兩株偶向  
池邊種可喜今年墜折枝

又

架垂馬乳收論斛港種雞頭采滿船鼇鼎若爲  
占食指麴車未用墮饒涎

劔南詩豪

卷之卅一  
十

汲古閣

又

山杏谿桃本看花纍纍成實亦堪誇鹽收蜜漬  
饒風味送與山僧下夜茶

閉戶

聲利能令智者愚放翁閉戶養迂疎地爐枯葉  
夜煨芋竹筩寒泉晨灌蔬狗俗不如飜著鞵夔  
山只合倒騎驢今朝夏有欣然處萬里知心一

紙書

蜀兵來得張季長  
歸唐安江原書

又

冠蓋長安幾番新放翁只似向來貧滿窗紅日  
價無敵半榼新醅香動人宴坐心光無蔽障橫  
眠踵息自清勻世間不用詢名字身是無懷上

古民

連日大寒夜坐復苦飢戲作短歌

翁飢不能具小飧兒凍何由成複禪藏書充棟  
讀至老固願少出蘇黎元念當萬事度可否肯

劔南詩藁

卷之卅一  
十一

汲古閣

使一恨彌乾坤古來賢達多晚謬千載遺笑綺  
與園老翁肝心等鐵石他年骨朽此固存村沽  
雖薄亦取醉起看江月傾金盆

園中對酒作

偃僂衰翁雪滿顛夢花耽酒似當年雖無錦障  
七十里也有青銅三百錢數掩竹籬分小徑一  
泓沙井貯寒泉栽紅接白株株活坐擁春工太

半權



孝宗皇帝挽詞

大道本生知崇高志不移凝神超事物觀妙極  
希夷訪藥三山遠遺弓萬國悲神孫咎鍾慶天  
作太平基

又

代邸膺圖日臨朝涕泗橫誠心非外飾至孝化  
群生高廟聯龍衮思陵接柏城平生奉親意一  
理貫幽明

劔南詩藁

卷之卅一  
十一

汲古閣

又

便殿諮詢早深宮宴樂稀欲頒傳位詔猶索未  
明衣壽損名方永身癯國愈肥孤臣泣陵柏心  
折九虞歸

小兒入城

小兒破帽出求師老父寒爐夜畫詩不耐青燈  
寫孤影聊呼薄酒慰長飢我今僅守詩書業汝  
勿輕捐少壯時但恨北風如許惡湖橋歸路想

流澌

夜坐

萬螿披書卷孤螢引篆香  
病息無事樂老悔少年  
狂南渡衣冠盛西征道  
路長如今俱夢破高枕  
看人忙

又

葉盡木無聲天高夜自明  
映窗燈半滅掠野雁孤  
征瓦裂人間事雲浮身  
後名惟應托長鑱寂  
劍南詩藁

卷之卅一  
十三

汲古閣

窈送浮生

縱筆

惰游不能耕心媿新春  
白歎傲茅三間主人終  
勝客

又

朝士腰下黃山僧鼻端  
白放翁俱笑汝飽飯作  
閑客

又



溫溫地爐紅皎皎紙窗白忽聞啄木聲疑是敲  
門客

又

雪晴蓼甲紅雨足韭頭白雖無萬錢具野飯可  
畱客

又

小兒勿大勤使汝髮早白長爲南畝民殊勝東  
閣客

劔南詩藁

卷之卅一  
十四

汲古閣

郊行夜歸書觸目

老翁病起厭端居隨意東西不問途霜野艸枯  
鷹欲下江天雲溼雁相呼空垣破竈逃租屋青  
帽紅燈賣酒爐未畏還家踏泥燎園丁持炬小  
兒扶

閉戶

老人閉戶動經月嬾就東家借蹇驢身後有名  
豈如酒體中不佳聊讀書秦王開圖見七首漢

相狗市載厨車人間憂怖古如此莫怪荒畦常  
荷鋤

十一月五日夜半偶作

艸徑江村人迹絕白頭病臥一書生窗間月出  
見梅影枕上酒醒聞雁聲寂寞已甘千古笑馳  
驅猶望兩河平後生誰記當年事淚濺龍牀請  
北征

日出晴和出遊湖山間

劔南詩藁

卷之卅一  
十五

汲古閣

日出氣稍和呼船渡煙津微風西南來水面生  
魚鱗適此一日佳聊娛百年身將鬢俯船舷一  
笑彼何人閨餘春事早已覺陽和新梅花處處  
開幽香襲衣巾久病喜我出問訊傾鄉鄰舟回  
不須速看涌白玉輪

病患

賣劔還山學老農不堪衰與病交攻將軍閉戶  
方鋤菜處士攜家欲賃春殘齒彊畱終艱脆病



腰扶拜苦龍鍾壯遊誰信梁州日大雪登城望  
夕烽

寄子虞

老自安故鄉況復觸罪罟五年三奉祠每請幸  
聽許貧家似破屋隨事且撐拄雖殊乞墻肉已  
近掘野鼠平生膽力薄不敢犯張禹有時一言  
失恐懼氣如縷念此息挂冠白首冀安處吾兒  
哀乃翁歲暮忍羈旅何時得斗粟歸舍聊共煮  
劔南詩豪

卷之卅一  
十六

汲古閣

便艸北關書乞骸歸卒伍

紙閣午睡

紙閣甑爐火一杵斷香欲出礙蒲簾放翁不管  
人閒事睡味無窮似蜜甜

又

黃紬被煖青氈穩紙閣油窗晚夏妍一飽無營  
睡終日自疑身在結繩前

夜分復起讀書

愁極不成寐起開窗下書似囚逢縱釋如癢得  
爬梳燈火夜過半風霜歲欲除平生濟時意却  
作夢吾廬

效蜀人煎茶戲作長句

午枕初回夢蝶牀紅絲小磴破旗槍正須山石  
龍頭鼎一試風爐蟹眼湯巖電已能開倦眼春  
雷不許殷枯腸飯囊酒瓮紛紛是誰賞蒙山紫  
筍香

劔南詩藁

卷之卅一  
十七

汲古閣

書逆旅壁

百憂襲暮年懷抱日騷屑雖云歸故鄉何異萬  
里客窮冬迫寒餓凜有在陳厄駕言適近村慘  
慘天欲雪人沽村市酒馬齧山坡麥旅炊雜沙  
土得飽何暇擇手皸若龜兆面槁無人色士窮  
自其分所幸全大節功名已甑墮身世真瓦裂  
不學玉關人飢鷹方夜掣



謝病掩柴荆年來嬾趣成舌根茶味永鼻觀酒  
香清已矣馳驅息悠然磊砢平高眠得三昧夢  
斷已窗明

閑中富貴

要信人生各有緣閑中富貴亦關天綠窗靜對  
千梢竹翠竇新疏一脉泉菱百衲琴常鎖匣買  
雙鈎帖不論錢箇中得意君知否不換金貂與

玉蟬

劔南詩豪

卷之卅一  
十八

汲古閣

又

天爲疎慵剝與閑一菴青嶂白雲間衲僧過別  
歸廬阜羽客來尋說華山冬筍生林龍觶觶寒  
泉落磻珮珊珊俗人自是無因到雖設柴門不  
上關

書近况寄蜀中道舊

遺事復遺榮空齋一榻橫宿醒投未正新句煨  
初成山庵傳梅信天窗送雪聲戲題勻碧紙遣

鶴報青城

醉中自贈

富貴猶宜早退休  
一生齟齬更何求  
賦形未至欠壬甲  
語命寧須增斗牛  
粟里收身貧亦樂  
平陵埋骨死無憂  
狂歌醉舞真當勉  
剗折梅花插滿頭

如大明曰自和

二頃元知未易求  
不如馬磨學文休  
正令未死

劔南詩藁

卷之卅一  
十九

汲古閣

有幾日那得殘年叢  
百憂霜野挾弓朝射雁  
煙陂吹笛算呼牛  
興來醉倒尋常事  
莫信兒童笑白頭

雪中至近村

荒山風雪歲將殘  
貸粟迢迢犯苦寒  
急燎征裘憩牛屋  
旋沽村酒挂驢鞍  
清貧徹骨初無憾  
老健逢人彊自寬  
淡夜還家未能睡  
解囊吹火取詩看



歲暮感懷以餘年諒無幾休日愴已迫爲  
韻

昨算送客歸短襪過魯墟故廬有遺趾青山遶  
牆隅桑竹雖鬱然舊植已無餘瓦礫不可求而  
況屋壁書繫舟問鄰人搔首久躊躇行當挂朝  
衣躬耕返吾初

又

我家釋耒起遠自東封前詩書守素業蟬聯二

劔南詩豪

卷之卅一  
二十

汲古閣

百年長老日零落念之心惕然每恐後生輩或  
爲利欲遷我少亦知學蹭蹬及華顛訟過豈不  
力壽非金石堅

又

我壯已早衰晨鏡每惆悵藥物姑自持耆老曷  
敢望造物有藥除貧悴博無恙歸鄉夏多感朋  
舊盡凋喪客來多避席謂我丈人行此意詎敢

忘報子以直諒

又

士生始志學固爲聖人徒人人可稷高世世皆  
唐虞仰事與俯育治道無絕殊孔孟之所傳世  
俗顧謂迂申韓尙刻薄老莊競虛無爾車非不  
良盍行九軌途

又

江左謝太傅高臥頗自喜東山豈不佳憺也終  
一起阿堅偶自敗元子亦適死區區疑訪中勲

劔南詩藁

卷之卅一  
二十一

汲古閣

業端有幾當時嘲小艸雖戲實中理所以山中  
人至今笑園綺

又

家世本無年甲子近一周小子獨何幸七十今  
平頭往者收朝迹亟欲求歸休厚恩許奉祠得  
祿歲愈憂三釜不及親顧爲妻子畱何由洗此  
媿欲挽天河流

又



高皇筮中興風雨躬沐櫛一士未嘗遺萬里皆  
馳駟廉聽闢言路虛懷詢得失孤臣實艸芥亦  
獲對宣室龍顏宛在目德不報萬一橋山松柏  
寒淚盡史臣筆

又

王師宿梁益行臺護諸將腐儒忝辟書萬里至  
渭上旌旗照關路風雪暗戎帳堂堂鐵馬陣疊  
疊木牛餉誰知骨相薄空負心膽壯回首二十  
劔南詩橐

卷之卅一  
二十二

汲古閣

年撫事增悲愴

又

在筮祖宗時風俗極粹美人材兼南北議論忘  
彼此誰令各植黨更什而迭起中更夷狄既此  
風猶未已臣不難負君生者固賣死儻築太平  
基請自厚俗始

又

井地以養民整整若碁畫初無甚貧富家有五

歛宅哀哉古益遠禍始開阡陌富豪役千奴貧  
老無寸帛困窮禮義廢盜賊起感迫誰能講古  
制壽我太平脉

桐江哲上人以端硯遺子聿纔寸餘而質  
甚奇天將雨輒先流泚予爲效宛陵先生  
體作詩一首

吾兒得巖硯其徑甫踰寸奇哉掌握物乃有琮  
璧潤器寶備才德初不以形論汝能志山林懷  
劔南詩臺

卷之卅一  
二十三

汲古閣

之可嘉遯

立春前三日作

春近寒尤苦先生不下堂烏皮蒙燕几白拂挂  
禪牀書架斜斜設梅花細細香悠然睡還起已  
覺日微長

贈應秀才

過宋不見元城公渡淮不見陳了翁當時人人  
皆太息至今海內傾高風老夫七十居鄉縣齷



覲龍鍾何足見辱君雪裏來叩門自說辛勤求  
識面我得茶山一轉語文章切忌參死句知君  
此外無他求有求寧踏三山路

春耕

今年液水滿西疇  
父老人人卜有秋  
只要耕犁及時節  
裹茶買餅去租牛

首春連陰

入春十日九日陰  
積雪未解雨復靈  
西家船漏

劔南詩藁

卷之卅一  
二十四

汲古閣

湖水漲東家驢病街泥  
淡去秋宿麥不入土  
今年米貴如黃金  
老嫗哭子那可聽  
僵死不覆黔  
婁衾州家遣騎餽  
春酒欲飲復止吾  
何心出門空歎歲  
華速已見微綠生  
高林

夜坐

衰翁不出門  
歲月過電雹  
窗明地爐煖  
袖手坐寂寞  
可憐瓶中梅  
爛漫幾開落  
小園亦數樹  
曾未破一萼  
三更北風急  
雨雪恐復作  
且當勤舉

杯莫恨浮蟻濁

新春

老境三年病新元十日陰疎籬枯蔓綴壞壁綠  
苔侵憂國孤臣淚平胡壯士心吾非兒女輩肯  
賦白頭吟

得季長書追懷南鄭幕府慨然有作

從戎咎在 山南日彊半春光醉裏銷綠樹啼鶯  
窺帽影画橋飛絮逐鞭梢花經小雨開差晚笙  
劔南詩藁

卷之卅一  
二十五

汲古閣

怯餘寒澀未調惆悵流年又如許羈魂欲仗楚  
詞招

正月十一日夜夢與亡友譚德稱相遇於  
成都小東門外既覺慨然有作

當年與子別江干漸老心知後會難豈料今宵  
清夢裏東門交響說春寒

送陳吏部還朝

邂逅稽山許攬鬚塵埃時得近水壺不辭我老



雞豚社且喜公歸櫻筍厨滿室琴書懷燕几一  
川風雨送行鱸勉哉早了功名債要画騎牛第

二圖 先賢良與劉凝之  
有廬山騎牛圖

觀碁

一枰翻覆戰枯碁慶吊相尋喜復悲失馬翁言  
良可信牧豬奴戲未妨為白蛇斷處真成快黑  
幟空時又一奇歛付兩奩來對酒泠泠聽我誦

新詩

劔雨詩彙

卷之卅一  
二十六

汲古閣

春行

簞帽絲絲雨芒鞋策策泥柳斜風帶北花歛日  
平西社酒誇新壓春燕喜遍犁溪村無客過父  
子自扶攜

雨霽春色粲然喜而有賦

應接年光老漸慵猶能一飲百分空半霑蝶粉  
簾櫳雨遠送鶯聲巷陌風千縷麴塵楊柳綠萬  
枝猩血海棠紅從來造物陶甄手却在閑人詩

句中

幽思

雲際茅茨一兩間  
春來幽事日相關  
臨窗靜試下巖硯  
欹枕臥看靈壁山  
紅練帶飛俱意得  
錦熏籠煖尚香慳  
錦熏籠謂瑞香  
今朝社過添惆悵  
高棟巢空燕未還

贈持鉢道人

青鐵作小冠  
白紵縫短褐  
右扶九節杖  
左執七

劔南詩藁

卷之卅一  
二十七

汲古閣

綴鉢何嘗有定止  
到處可生活  
惟有烈士心  
白刃不能奪  
相逢一笑粲  
滯思得披豁  
揮袂去若飛  
跂望已天末

柳

楊柳春風綠  
萬條憑鞍一望已  
魂消當年鳳集城  
邊路曾夢纖纖拂  
画橋

又

西園雨打杏花稀  
便面章臺事已非  
只恐無情



堤上柳又將風絮送春歸

山園雜詠

祠祿畱人未挂冠  
山園三畝著身寬  
百年竟向愁邊老  
萬事元輸靜處看  
花徑糝紅供晚醉  
月天生暈作春寒  
汗青事業都忘盡  
時賴吾兒舉話端

又

殘春終日在林亭  
散髮披衣醉復醒  
科斗已成劔南詩藁

卷之卅一  
二十八

汲古閣

畫閣閣櫻桃初結子  
青青魚遊滄海寧  
濡沫禽慕雕籠卽翦翎  
薄晚東風吹小雨  
笑攜長鏡伴畦丁

又

桃花爛熳杏花稀  
春色撩人不忍違  
俗客年來真掃迹  
清樽日暮獨忘歸  
魚行池面紅雲散  
鵲起枝頭絳雪飛  
莫道顛狂無訴處  
臥看香篆掩

齋扉

又  
已過社雨尚春寒小醉初醒怯倚欄柳帶花移  
宜土潤鶴和雛養要籠寬孤翁白首投村社諸  
彥青雲接羽翰誰信幽居多樂事晚窗兒女話

團圓

又

春光何止二分空寒食都無數日中密葉成陰  
花寂寂舊巢添土燕匆匆紙鳶收線愁風惡秧

劔南詩藁

卷之卅二  
二十九

汲古閣

馬掀泥喜雨濛堪歎今年衰更甚蒼顏縱醉不  
成紅

宜正  
已過社雨尚春寒小醉初醒怯倚欄柳帶花移  
宜土潤鶴和雛養要籠寬孤翁白首投村社諸  
彥青雲接羽翰誰信幽居多樂事晚窗兒女話

又



劔南詩豪目錄

卷第三十二

雨夜書感首二 鏡湖 舟中戲書 春晚

懷山南首四 春晚書齋壁 七十一翁吟

山茶一樹自冬至清明後著花不已

晨起 春晚雜興首六 齋中雜題首四 老

疾戲自贈 夜坐聞湖中漁歌 上已書

事 對酒 自規 窮居有感 春夏之

劔南詩豪

卷卅二目

汲古閣

交風日清美欣然有賦首三 夜歸 農家

歎 三月十一日郊行 初夏行平水道

中 初夏幽居偶題首四 晨起 小圃

幽居 夜賦 間中書事首二 初夏首十

四月旦作時立夏已十餘日 春夏之交

鳴鳥百族惟布穀聲最悲急動人戲作十

韻 倚杖 野步 竹窗晝眠 騰騰

幽棲首二 睡起 愁坐忽思南鄭小益之

間首二 四月十三夜四更起讀書 夏雨

初霽題齋壁 東窗 聞臬 雨中示子

聿 山園屢種楊梅皆不成枇杷一株獨

結實可愛戲作長句 夢遊山寺焚香煮

茗甚適既覺悵然以詩記之 夏日 巢

山首二 四月二十三日作首二 觀月 潺

暑 晨起 閒思首二 梅天 夜坐 麥

熟市米價減鄰里病者亦皆愈欣然有賦

劔南詩彙

卷卅二目

汲古閣

雨中作 夜雨 乙卯重五 夏夜風

雨極涼枕上口占 寤居 息蜀 坐五月

二十三夜記夢 送葉尚書 路傍曲首三

贈汪叔潛 出遊 舊詩之 夏日 集

山園屢種楊梅皆不成枇杷一株獨

結實可愛戲作長句 夢遊山寺焚香煮

茗甚適既覺悵然以詩記之 夏日 巢

劔南詩彙目錄卷三十一 東窗 聞臬 雨中示子



劔南詩豪卷第三十二

雨夜書感

宦遊四十年歸遂桑榆暖皇恩念黎老一官猶  
置散春殘桃李盡風雨閉空館有懷無與陳萬  
事付酒椀近代固多賢吾意終不滿可憐杜拾  
遺冒死明房瑄慷慨詎非奇經綸恨才短群胡  
穴中原令人歎微管

又

劔南詩豪

卷之卅二

汲古閣

儒生不自貴執藝等卜祝詩書定何物爲汝市  
爵祿唐虞雖日遠凜凜猶在目誰能舉其要治  
功端可復平生麤知此俛仰髮已禿一豪不獲  
施老病死巖谷安知萬世後終無可封俗願廣  
稽古心端拱咨嶽牧

鏡湖

躬耕蘄一飽閔閔望有年水旱適繼作斗米幾  
千錢鏡湖決已久造甌初非天孰能求其故遺

迹猶隱然增卑以爲高培薄使之堅坐復千載  
利名託亡窮傳民愚不能知仕者苟目前吾言  
固應棄悄悄夜不眠

舟中戲書

平生萬事付之天百折猶能氣浩然試問軟塵  
金絡馬何如柔艣月侵船英雄到底是癡絕富  
貴但能妨醉眠三百里湖隨意住人間真有地  
行仙

劍南詩彙

卷之卅二

汲古閣

春晚懷山南

梨花堆雪柳吹絲常記梁州古驛前二十四年  
成昨夢每逢春晚卽悽然  
又  
壯歲從戎不憶家梁州裘馬鬪豪華至今夜夜  
尋春夢猶在吳園藉落花

又

梁州一別幾清明常憶西郊信馬行桃李成塵



總閑事梨花楊柳最關情

又

身寄江湖兩鬢霜金鞭朱彈夢猶狂遙知南鄭  
城西路月與梨花共斷腸

春晚書齋壁

海棠已成雪桃李不足言纖纖麥被野鬱鬱桑  
連村穉蠶細如螳杜宇號朝昏展墓林餌美坐  
社黍酒渾早筍漸上市青韭初出園老夫下箸  
劔南詩藁

卷之卅二  
三

汲古閣

喜盡屏雞與豚幽居亦何樂且洗兩耳喧呼兒  
燒柏子悠然坐東軒

七十一翁吟

七十一翁心事闌坐叨祠祿養衰殘樽中無酒  
但清坐架上有書猶縱觀吏部齒搖心悵望將  
軍髀滿淚沈瀾客來共飯增羞澀小摘山蔬不  
揜繁

山茶一樹自冬至清明後著花不已

東園三日雨兼風桃李飄零掃地空惟有山茶  
偏耐久綠叢又放數枝紅

晨起

初日破蒼煙零亂松竹影老夫起燒香童子行  
汲井平生水雲身不墮車馬境願言學龐公全  
家事幽屏

春晚雜興

寂寂野人家柴扉傍水斜僧分晨鉢筍客共午

劔南詩豪

卷之卅二  
四

汲古閣

甌茶燕戶添新土蛛絲罥落花悠然便終日惟  
此送年華

又

澤國固多雨暮春猶薄寒兒童葺茶舍婦女賽  
蠶官閱世年雖往爲農興未闌窮途得一飽亦  
足慰艱難

又

池面萍初紫牆頭杏已青攜兒撐小艇畱客坐



孤亭相法無侯骨生年直酒星正須遺萬事莫  
遣片時醒

又

小市湖橋北幽居石埭西蒲深姑惡哭樹密秭  
歸啼山茗封青箬村酤坵赤泥平生汗簡手投  
老慣扶犁

又

病瘍無意緒閉戶作生涯艸艸半盂飯悠悠一

劔南詩藁

卷之卅二  
五

汲古閣

盃茶笑穿居士屨閑看女郎花

唐人謂辛夷為  
女郎花園中有

此花一叢  
二百朵

莫問明朝事忘家即出家

又

青梅薦煮酒綠樹變鳴禽處世已如客傷春無  
復心焚香惟默坐曳杖亦幽尋一日悠然過溪  
慙憎寸陰

齋中雜題

列屋熾眉不足誇可齋別自是生涯閑將西蜀

團窠錦自背南唐落墨花

又

小醉微吟過一春  
人間儂是最閑人  
龜毛拂子長三尺  
拈起風光處處新

又

棊几硯涵鸚鵡眼  
古奩香斲鷓鴣斑  
絕知造物慇懃意  
成就衰翁到死閑

又

劔南詩藁

卷之卅二  
六

汲占閣

幽居厭見凡花艸  
紅紫紛紛不復栽  
自斲蒼苔換黃土  
南山移得玉芝來

窗外新移雲門  
玉芝一本甚茂

老疾戲自贈

年過七十日夜衰  
羸然骨立不支持  
一身百病作無時  
飯且不足那論醫  
鏡中之人定是誰  
面骨突兀鬢成絲  
買棺作冢計已遲  
一旦寧免累諸兒  
門前湖山可遨嬉  
心雖欲往力不隨  
左車牙脫吁可悲  
問汝何不食肉糜



夜坐聞湖中漁歌

少年嗜書竭目力老去觀書澀如棘  
短檠油盡固自佳坐守一窗如漆黑  
漁家裊裊起三更哀而不怨非凡聲  
明星已高聲未已疑是湖中隱君子

上己書事

單衣初著下湖天飛蓋相隨出郭船  
得雨人人喜秧信祈蠶戶戶歛神錢  
黃雞煮臠無停筓青劔南詩豪

卷之卅二  
七

汲古閣

韭淹菹欲墮涎丞相傳聞又三押  
衡茅未改日高眠

對酒

手摘醪醑翦牡丹山家艸艸亦杯盤  
溪頭一夜風吹雨又作殘春幾日寒

自規

陸君拙自謀七十猶糲食著書雖如山  
身不一錢直默自觀我生困弱良得力  
轉喉畏或觸唾

面敢自拭世路方未夷機穽寧有極但能常開  
門尊拳貨雞肋

窮居有感

孤村煙艸暮淒迷笠子蓑衣自架犁生計似蛛  
聊補網弊廬如燕旋添泥人亡耆舊多時學地  
廢陂湖失古隄迺闕自知無著處收因窮厄怨  
推擠

春夏之交風日清美欣然有賦

劔南詩彙

卷之卅二

汲古閣

日鑄珍芽開小缶銀波煮酒湛華觴槐陰漸長  
簾櫳暗梅子初嘗齒頰香戶戶祈蠶喧鼓笛村  
村乘雨築陂塘年光何預衰翁事件蝶隨鷺也  
解狂

又

天遣殘年脫馮鞮功名不恨與心違綠陂細雨  
移秧罷朱舫斜陽擘紙歸花市丹青賣團扇象  
牀刀尺製單衣白頭叟杖人爭看笑歎浮生七



十稀

又

芳潤園林不似貧年光無盡逐番新來禽顏色  
不禁雨搏黍語言如惜春身外豈關吾輩事鏡  
中已換管時人神僊定未超塵俗猶插金貂侍  
帝晨

夜歸

疎鐘渡水來素月依林上煙火認茅廬故倚船

劔南詩藁

卷之卅二  
九

汲古閣

蓬望

農家歎

有山皆種麥有水皆種杭牛領瘡見骨叱叱猶  
夜耕竭力事本業所願樂太平門前誰剝啄縣  
吏徵租聲一身入縣庭日夜窮笞榜人孰不憚  
死自計無由生還家欲具說恐傷父母情老人  
儻得食妻子鴻毛輕

三月十一日郊行

到處人家可乞漿槐陰巷陌午風涼水波漫漫  
新秧綠山隴離離大麥黃父子力耕春漸老婦  
姑共績夜猶長堯民擊壤雖難繼芹美懷君未  
敢忘

初夏行平水道中

老去人間樂事稀一年容易又春歸市橋壓擔  
蓴絲滑村店堆盤豆莢肥傍水風林鶯語語滿  
原煙艸蝶飛飛郊行已覺侵微暑小立桐陰換  
劔南詩藁

卷之卅二  
十

汲古閣

夾衣

初夏幽居偶題

放逐還家一老翁癡頑自笑夏誰同倚欄風月  
黃昏後攜杖園林綠潤中泳水小魚依藻荇覓  
巢輕燕拂簾櫳此身要豈堅牢物莫遣須臾酒  
盞空

又

展盡高槐日漸長了無蜂蝶爲花忙青梅旋摘



宜鹽白煮酒初嘗帶臘香  
林下光陰無一事水  
邊窗戶有餘涼  
應門不用辭衰疾  
車馬何由到  
野堂

又

咎如轉戰墮重圍  
今幸鶯翔脫駭機  
曉樹好風鶯獨語  
夜窗細雨燕相依  
安居不恨蝸廬窄  
得食寧論鶴料微  
更喜算年彊健在  
又看刀尺製  
縑衣

劔南詩藁

卷之卅二  
十一

汲古閣

又

朱櫻羊酪喜新嘗  
碧井桐陰轉午涼  
書几得晴宜試墨  
衣篝因潤稱熏香  
枯龜自覺支牀穩  
老馬安能試艸長  
半世學騷終不近  
空餘清夢上  
沅湘

晨起

青青水中萍  
粲粲牆下艸  
開歲纔幾時  
已歎春事老  
鳴禽傍窗戶  
怪我倦幽討  
長吟感人懷  
病

枕起亦早下牀呼獠奴浩蕩恣灑掃綠陰列蒼  
石芳樽得頰倒客來但與飲談天有何好亦莫  
雕肺肝吟哦學郊島

新小圃

剡曲西邊築草堂小園聊復寄相羊魚行水際  
汀蘋動麝過林中野草香覓句有時攜筆硯遣  
懷隨事具杯觴少年朋舊凋零盡不獨息人亦

自傷

劔南詩藁

卷之卅二  
十一

汲古閣

自劔南幽居

青門不種故侯瓜揀得湖山便寄家老境一廛  
依水竹壯遊萬里犯風沙氣衰那辦飲無算病  
著夏知生有涯莫道吾廬全索寞牆東新補數  
株花小圃

無寐夜賦如學波島

小齋寂寂似禪寮臥數更籌覺夜遙帳外殘燈  
欺不寐梁間棲燕伴無聊江湖蹭蹬朱顏改憂



患侵凌壯志消挂旆天山少年事此身終負聖  
明朝

閑中書事

病過新年逐日添清愁殘醉兩厭厭惜花萎去  
常遮日待燕歸來始下簾堂上清風生玉塵澗  
中寒溜注銅蟾一生畱滯君休歎意望天公本  
自廉

又

劍南詩豪

卷之卅二  
十二

汲古閣

一畝山園半畝池流年忽逮挂冠期賣花醉叟  
剝紅桂種藥高僧寄玉芝午枕爲兒哦舊句晚  
窗畱客算殘碁登庸策免多新報老子癡頑總  
不知

初夏

紛紛紅紫已成塵布穀聲中夏令新夾路桑麻  
行不盡始知身是太平人

又

翦韭醢虀粟作漿新炊麥飯滿村香先生醉後  
騎黃犢北陌東阡看戲場

又

稻未分秧麥已秋豚蹄不用祝甌窶老翁七十  
猶彊健沒膝春泥夜叱牛

又

買得新船疾似飛蠶飢遙望采桑歸越羅蜀錦  
吾何用且備幽人卒歲衣

劔南詩藁

卷之卅二  
十四

汲古閣

又

槐柳成陰雨洗塵櫻桃乳酪併嘗新古來江左  
多佳句夏淺勝春最可人

夏淺却勝春  
徐陵詩也

又

杜鵑血盡啼未歇蝴蝶夢殘心更狂我自人間  
少情者老來十倍惜年光

又

賜食金盤出寶闈玄熊掌映紫駝蹄侯家但詫



承恩澤豈識山厨苦費蠶

又

隋家古寺郡西南寺廢殘僧只二三藜藿滿庭  
塵闍佛時聞鏡鼓賽春蠶

又

渺渺荒陂古埭東柳姑小廟柳陰中放翁老憊  
扶藜杖也逐鄉人禱歲豐

又

劔南詩藁

卷之卅二  
十五

汲古閣

老翁賣卜古城隅兼寫宜蠶保麥符日日得錢  
惟買酒不愁醉倒有兒扶

四月旦作時立夏已十餘日

京塵相值各匆忙誰信閑人日月長爭葉蠶飢  
鬧風雨趁虛茶懶鬪旗槍林中晚筍供厨美庭  
下新桐覆井涼堪笑山家太早計已陳竹几與  
藤牀

春夏之交鳴鳥百族惟布穀聲最悲急動

人戲作十韻

春風捨人去陸子歎以驚欲挽春使回無奈布  
穀聲春亦何負汝且莫聲不停或謂布穀者一  
氣感使鳴春老自當去微禽彼何情上天運四  
時斗柄亦崢嶸奈何獨私春欲使久不傾南風  
吹衆綠一掃紫與赭此時豈不佳乃爾懷不平  
勿作兒女態起視東郊耕

倚杖

劔南詩豪

卷三十二  
十六

汲古閣

倚杖柴門外踟躕到日斜兒童拾筍籜婦女賣  
茶芽掠岸過漁艇隔離聞緯車年來詩料別滿  
眼是桑麻

野步

蝶舞蔬畦晚鳩鳴麥野晴就陰時小息尋徑復  
微行村婦窺籬看山翁拂席迎市朝那有此一  
笑慰餘生

竹窗晝眠



初夏暑雨薄但覺白日長向來萬里心盡付一  
竹牀新筍出林表森然羽林槍時聞解籜聲靈  
府生清涼平生喜晝眠此志晚乃償安枕了無  
夢孰爲蝶與莊徐起掬寒泉中有菱絲香清獻  
送落日與世永相忘

騰騰

騰騰吾喪我兀兀我忘吾萬事皆墮甌一身真  
朽株江天號鶴鶴村巷暗楸梧薄酒猶堪醉歸  
劔南詩藁  
來稚子扶

卷之卅二  
十七

汲古閣

幽棲

閑人了無事地僻稱幽栖市米畱雞食移琴避  
燕泥桐生窗欲暗筍長徑還迷不作容車計門  
閭儘放低

又

誰謂幽棲陋茅茨足庇牀雨便梧葉大風度練  
花香浴佛兒童喜纈絲婦女忙竭來三十載吾

鬢固宜霜

乾道丙戌始卜居鏡湖之三山今甫二十年矣

睡起

虛堂四簷竹脩脩  
朱夏正午如高秋  
八尺風漪雲碧稠  
一榻寬如禹九州  
屈信展轉俱自由  
息以兩踵無與喉  
世方窘若魚吞鈞  
我獨超然鷹脫鞴  
一物不向靈臺留  
非睡非覺以神遊  
青城紫閣多朋儔  
相逢握手笑不休

愁坐忽思南鄭小益之間

劔南詩藁

卷之卅二 十八

汲古閣

當年蜀道秦關萬里飄  
然往還酒病曾畱西縣  
眼明初見南山

又

籌筆門前芳艸回  
龍道王青山萬里猶能夢到  
再遊未信天慳

四月十三夜四更起讀書

七十未捐書正愁死  
乃息起挑窗下燈度此風

雨夕



夏雨初霽題齋壁

楸花練花照眼明幽人浴罷葛衣輕燕低去地  
不盈尺鵲喜傍簷時數聲對奕軒窗消永晝曬  
絲院落喜新晴忽驚重五無多日采縷纏筒弔  
屈平

東窗

萱艸石榴相續開數枝晚筍破蒼苔背人紅練  
穿林去直是無情不再來

劍南詩豪

卷之卅二  
十九

汲古閣

聞臬

兩忘堯桀自心平此念胡爲掃復生幸是安眠  
無一事苦憐鶯語惡臬聲

雨中示子聿

窮閣父子自相依寂寂茅廬映竹扉瓜蔓水生  
初抹岸練花寒動却添衣吾玄自笑豈尙白汝  
瘦元知能勝肥苦學勿爲干祿計宦途雖樂不

如歸

山園屢種楊梅皆不成枇杷一株獨結實  
可夢戲作長句

楊梅空有樹團團却是枇杷解滿盤難學權門  
堆火齊且從公子拾金丸枝頭不怕風搖落地  
上惟憂鳥啄殘清曉呼僮棄露摘任教半熟雜  
甘酸

枇杷盡熟時鴉鳥不可復  
禦故熟七八分則取之

夢遊山寺焚香煑茗甚適既覺悵然以詩

記之

劔南詩藁

卷之卅二  
二十一

汲古閣

平日居山恨不淡甞來差足慰幽尋僧歸共說  
道逢虎院靜惟聞風滿林毫盞雪濤驅滯思篆  
盤雲縷洗塵襟此行殊勝邯鄲客數刻清閑直  
萬金

夏曰

柴扉晝掩竹林幽坐使炎天變素秋扇月團團  
似初滿簾波細細欲平流朋儕零落關河阻疾  
病沉縣歲月適賴有澄湖常在眼虎頭不用画



滄洲

巢山

巢山避世紛身隱萬重雲半谷傳樵響中林過  
鹿群蟲鏤葉成篆風蹙水生紋不蹋溪橋路僂  
凡自此分

又

短髮巢山客人知姓字誰穿林雙不借取水一  
軍持渴鹿群窺澗驚猿獨裊枝何曾畜筆硯景  
劔南詩豪

卷之卅二  
二十一

汲古閣

物自成詩

四月二十三日作

颺颺荷離水翩翩燕出巢苔添雨後暈筍放露  
中梢世路千重浪生涯一把茅欵門僧亦絕無  
句鍊推敲

又

莫笑茅廬迮何曾厭日長飯餘飧酪滑浴罷葛  
巾涼落日桐陰轉微風梔子香貧家猶裹粽隨

事當年光

觀月

清風發疎林  
皦月上素壁  
悠然倚庭楯  
愛此風月夕  
人間好時節  
俯仰成宿咎  
少年不痛飲  
老大空歎息

溽暑

溽暑雨將作  
南風來解圍  
幽花臨砌坼  
乳燕傍巢飛  
腰斧剝桑去  
攜籃采藥歸  
翻憐少年老  
疊劔南詩臺

卷之卅二  
二十二

汲古閣

雪詫宮衣

晨起

衰老少睡眠  
睡晚覺常早  
五更攬衣起  
漏鼓猶考考  
青燈耿孤影  
不睡坐亦好  
讀盡一編書  
南窗朝日杲

閑思

溝水細無聲  
窗扉晚更明  
簾開燕雙入  
人靜鵲群行  
青李求初至  
黃醅釀已成  
出門無奈嬾不



是傲公卿

又

小雨時時作幽花續續紅  
新蟬落庭樹癡燕集  
屏風傍枕拋書卷臨池下釣筒  
閑中有真樂那得歎途窮

梅天

稻隴移初遍梅天溼未晴  
輕陰昏茗色餘潤咽  
琴聲時傍菱塘立還尋沙徑行  
杜門終此世更劔南詩橐

卷之卅二  
二十三

汲古閣

誓未來生

夜坐

燈暗一室幽鳥鳴四山靜  
道人坐倚壁度此清  
夜永少時志功名癡絕如捕影  
造物遺以窮磨礧發  
淡省坐令盆盎淺渺渺波萬頃  
雖未造道真南轅終至郢

麥熟市米價減鄰里病者亦皆愈欣然有

賦

凶年已度麥方秋學道從來幸寡求荷鋪自隨  
身若寄漉籬可賣飯何憂隣翁瀕死復相見村  
市小涼時獨遊不怕歸時又侵夜新添略徇跨  
清溝

雨中作

風聲如翻濤雨點如撒菽皇天念此老一爲洗  
煩促呼童取短檠聊展舊書讀悽然對孤影感  
歎衰鬢秃兀如老病馬關河久在目伏櫪雖已  
劔南詩藁

卷之卅二  
二十四

汲古閣

疲連雲思苜蓿

夜雨

齒牙搖動鬢毛疎四壁蕭然臥艸廬急雨聲酣  
戰叢竹孤燈焰短伴殘書壯心未減從戎日苦  
學猶如覓舉初自笑堅頑誰得似同儕大半已  
丘墟

乙卯重五

重五山村好榴花忽已繁粽包分兩髻艾束著



危冠舊俗方儲藥羸軀亦點丹日斜吾事畢一  
笑向杯盤

夏夜風雨極涼枕上口占

北窗八尺臥文藤夜雨生涼洗鬱蒸裊裊清愁  
縈斷角悠悠孤夢伴殘燈羸軀垂老嗟焉往公  
論猶存似可憑聊向斯文圖不朽未甘粥飯學  
山僧

窮居

劔南詩藁

卷之卅二  
二十五

汲古閣

半世佺偃信所之窮居仍抱算年悲燒金術誤  
囊衣薄種黍年凶酒味醜大厦萬間空有志後  
車千乘更無期掩書常笑城南杜麻屨還朝授  
拾遺

思蜀

白首躬耕遇游饑江南自笑欲疇依凌煙勲業  
無人許濯錦園林有夢歸心似遊僧思遠適身  
如敗將陷重圍客來彊欲相寬釋每說人生七

十稀

五月二十三夜記夢

夜漏欲盡雞初唱夢到神仙信非妄泉流直舂  
碧澗底松根橫走蒼崖上徐行林際遇飛橋峭  
壁驚濤臨萬丈非惟履嶮足蹠蹕已覺處幽神  
悄愴空巖滴乳久化石寶蓋珠瓔紛物象鬼神  
慘澹疑欲搏龍蜃蜿蜓誰敢傷長眉老仙藥白  
雲握手授我綠玉杖三生汝有世外緣一念已  
劍南詩豪

卷之卅二  
二十六

汲古閣

斷塵中障雖云曩事不復憶憐汝瞳子神猶王  
何須更待熟金丹從我歸哉住崑閬

送葉尚書

曩歲榜扁舟萬里歸自蜀五月下瞿唐六月過  
浮玉於時始識公一笑忘暑羽扇臨清流華  
觴跋紅燭一別十五年去日如電速孤生晚還  
朝歛退慙陸陸要津非所冀見公心自足斥歸  
又七載衰病將就木造物哀其窮公來位嶽牧



每見語諄諄與世異寒燠聖朝方急賢登用及  
釣築如公實舊德顧豈待夢卜初聞一札下已  
報四輩趣懸知新天子虛懷須啓沃願公論其  
大始爲天下福卽宣垂拱麻寧復摛文宿

路傍曲

冷飯雜沙礫短褐蒙霜露黃葉滿山郵行人跨  
驢去

又

劔南詩豪

卷之卅二  
二十七

汲古閣

大道南北出車輪無停日彼豈皆奇才我獨飢  
至夕

又

淒涼路傍曲朱門人不知秋街槐葉落正是斷  
腸時

贈汪叔潛

火雲嵯峨如墨嶂百病攻衰非一狀低簷小屋  
桑竹村忽辱君來問亡恙蹶然攬衣起闔門裹

飯仍煩遠相餉歲饑野外無供給羞澀餘糧不  
盈盎我守此窮三十年尙恐死前無力量君誠  
不以老棄予苦語見規宜勿讓

出遊

莫笑衰殘百不能一枝筇杖捷飛騰山空野火  
焚秦篆日澹煙蕪遍禹陵小浦漲潮迎釣艇疎  
鐘出谷送行僧踟躕不覺歸途晚村落人家已

上燈



